

Skólaráðsfundur 9. desember 2015

Mættir: Sólveig B. Fjólmundsdóttir, Þorsteinn Guðmundsson, Benedikt Kári Þorvaldsson, Inga Rósa Sigurjónsdóttir, Guðmundur Helgi Loftsson, P. Sandra Magnúsdóttir, Alexandra Ósk Guðjónsdóttir, Óskar G. Björnsson, Hallfríður Sverrisdóttir.

1. Rætt um ályktun til sveitarstjórnar og hún samþykkt svohljóðandi:

Ályktun varðandi umferðaröryggi.

Skólaráð Árskóla lýsir áhyggjum sínum af umferðaröryggi við Árskóla. Brýnt er að fá hlið eða grindverk við rennuna þar sem skólabíllinn stoppar, til að hindra að nemendur fari út á götuna. Nauðsynlegt að setja upp einhvers konar skýli þar sem nemendur geta leitað skjóls þegar beðið er eftir skólabíl. Mikilvægt er að setja upp skilti sem minnir á að drepa á bílum meðan beðið er eftir nemendum.

Núna í svartasta skammdeginu er lýsing við skólann ófullnægjandi, bæði austan við skólann við Skagfirðingabraut og á bílastæði við skólann og íþróttahúsið. Þessi slæma lýsing á bílastæðinu skapar sérstaklega hættu seinnipart dags þegar umferð bíla og barna er mikil á dimmu planinu. Brýnt er að bæta lýsingu með kösturum að minnsta kosti til bráðabirgða þar til farið verður í framkvæmdir við frágang á bílastæðinu.

Ályktun varðandi A-álmu.

Skólaráð Árskóla lýsir áhyggjum sínum af slæmu viðhaldi á A-álmu. Lýsing, upphitun, skolpleiðslur, gólfefni, loftklæðningar, innréttingar og salerni nemenda er allt löngu komið á tíma og veggir hafa ekki verið málaðir í áratugi. Afar brýnt er orðið að ráðast sem fyrst í að lagfæra álmuna og kaupa ný húsgögn í kennslustofur. Skólaráð skorar á sveitarstjórn að ráðast sem fyrst í viðhald á álmunni.

2. Fjárhagsáætlun fyrir árið 2016 rædd.

3. Jóladagskrá er með hefðbundnum hætti. Lúsiuhátíð 6. bekkjar er á morgun, jólabingó 10. bekkjar og jólate hjá yngsta stigi á fimmtudag og föstudag. Fyrirspurn kom fram um hvort gluggamyndir verði settar upp. Það verður ekki gert þar sem þær eru orðnar mjög lélegar og mikil vinna yrði að endurvinna þær allar. Hins vegar er fyrirhugað í komandi framtíð að velja einhverjar af gömlu myndunum og koma þeim í varanlegt horf s.s. ramma.

4. A-álma og ástandið á henni var rætt, m.a. silfurskottur. Gert er ráð fyrir að eitrad verði í jólaleyfi.

5. Skólanámskrá og starfsáætlun var kynnt fyrir skólaráði og fundarmönnum bent á að kynna sér þessar áætlanir á vefnum fyrir næsta fund og koma athugasemdum ef einhverjar eru til stjórnenda.
6. Læsisstefna Skagafjarðar er í undirbúningi og mikil vinna hefur farið fram í starfsmannahópnum. Gert er ráð fyrir aðkomu foreldra að þeirri vinnu í janúar, en þá verða tengiliðir boðaðir á vinnufund. Rætt um lestur barna og unglinga.
7. Umræða um samræmd próf. Yfir landið vantar u.þ.b. 10% nemenda í samræmdu prófin, en þátttaka nemenda í Árskóla er nánast 100%.

Næsti fundur í skólaráði er 20. janúar. Þá er ætlunin að ræða skipulag vorannar, niðurstöður samræmdra prófa og skólanámskrá og starfsáætlun.

Önnur mál.

- Fyrirspurn um tóbaksnotkun, hvort þetta sé til vandræða í skólanum. Því er til að svara að skólinn er ekki laus við þetta, en tekið er á hverju máli fyrir sig í samráði við foreldra.
- Rætt um háлку á skólalóð, en klárað verður að sanda í dag.